





**PAMFLET**

**1489**











1600.  
COPYE  
Vande

I 698

# Belijdenisse ende Sententie

Capitael van Cornelis de Hooghe.

Waer inne ghespeurt werden de aenflaghen ende  
middelen / welke den konnck van Spaengien tot ver-  
scheyden tijden ghebruyckt heeft / omme door verra-  
derijē/seditie ende oproer dese Landt te brez-  
ghen onder syn absoluyt gheweldt.

---

Allen oprechten Lief-hebbers ende Yveraers der Neder-  
landscher Vrijheyt tot vvaerschouwinghe.

---



---

Ghedrukt int Jaer ons Heeren  
M. D. C. C. I. I. I.

---

1489

25



8.  
COPYE

Stande

Abelsheden ende Schietende

de apud van de omden de hooft

Adact iust gheschiet werden de aenigsheden ende  
insoeken welcke den kromme van de aenigsheden  
insoeken insoeken gheschiet sijn omme de aenigsheden  
de aenigsheden ende oprecht sijn de aenigsheden  
insoeken ende sijn de aenigsheden

Allen oprecht sijn de aenigsheden ende de aenigsheden  
insoeken de aenigsheden ende de aenigsheden



Gedrukt in het jaar ons heeren  
M.D.C.C.II.





Also Cornelis de Hooghe/ ghebozen in-  
den Haghe/ segghenwoordich ghevangen voor den  
Hove van Holland/ byuten pijn ende banden van  
pser bekent ende beleden heeft / dat ontrent Alder-  
hepligen inden jare vijftienhondert een ende tachtich  
enen Don Gabriel de Silva/ ghebozen van  
Bechelen/ eertijds Camerlingh vanden Keyser  
Kaerle hoogher ghedachten / hem ghevangen gethoont heeft se-  
kere patenten ofte brieven van credentie / vanden Coninc van Spaen-  
gien/ segghende: nadien het tractaet ofte handelinghe metten Hertoghe  
van Nova Terra binnen Cuelen niet ghesuccedeert en was/ na  
des Conincs begheerte ende intentie/ dat hy ghevangen/ so den Co-  
ninc verstaen hadde dat hy van synen bloede ende een Bastaert was  
vanden voorschreven Keyser Kaerle / hem soude willen laten vinden  
byden Coninck in Spangien/ omme met hem te raedtflaghen/ ende  
eenen nieuwen voet te nemen / hoemen dese Landen alderbest soude  
brenghen onder t' ghebiedt ofte gehoorzaamheyt vanden voorschre-  
ven Coninck van Spaengien/ belovende hem gevangen in cas van  
succes/ te voorsien met groote staten ende digniteyten / ende dat hy  
ghevangen de voorschreven zake in deliberatie gheleydt hebbende  
met meester Jacob Vos tot Delf/ ende hem selven in Spangien niet  
betrouwende/ ten voorschreven effecte metten voornoemden de Sil-  
va naer Spangien ghesonden heeft eenen Jan Kottaller upt Vries-  
landt/ ontrent den tijt dat syne Excellentie tot Antwerpen geschoten  
worde/ ghebende de selve Kottaller tot dien eynde mede brieven van  
credentie aenden Coninck/ midtsgaders eenighe middelen ofte con-  
cept van ordonnantie daer toe dienende/ ende seker vertooch ofte Re-  
monstrantie vande staet conditie/ ende gelegentheyt van dese Lan-  
den/ ende dat hy ghevangene om dese reyse in Spangien te verbor-  
deren de voorschreven Kottaller gedaen heeft die somme van vier-  
hondert Carolus Guldens/ behalven noch zekere brieven aen Coop-  
lynden



lynden in Portugael omme meer penningen aldaer te lichten indient  
noot ware/ende de voorsz. de Silva (soo hy te kort van gelde quam)  
gheleent ghehadt die somme van twee hondert Carolus Guldens/  
ende dat de voorszreven Kottaller (die ontrent vijf maenden upt  
gheweest hadde) t'zynder wederkomste hem ghevanghene eenen  
brief van credentie vanden Coninck van Spaengien ghebracht en  
de rapport van syn wederbaren gedaen heeft/als dat hy metten Co-  
ninck van Spaengien ende den President Fouck gecommuniceert/  
gesproken/ende de voorszreven middelen ende Remonstrantien ge-  
levert hadde/de welcke in Spaensich overgheset ende byden Coninc  
doorszien ende overlesen zijnde/ den Coninc seer wel behaeghden: En  
dat den Coninck omme de selve te helpen effectueren/hem gevanghe-  
ne belooft hadde hulpe ende assistentie te doen van gelde en volcken/  
ende voor t'eerste te bestellen op Cuelen ofte Francofort door eenighe  
Italiaensche Cooplynden/ de somme van twee hondert dupsende  
Daelders/ met commissie absolute op hem ghevanghene om kupte-  
teren ende knechten aen te nemen daer ende soo t'hem goet duncken  
soude belovende hem daer bereffens te voorszien/mer t'Hertochdom  
van Selre ofte eenich ander hem best gelegen zijnde. Ende tot meer-  
der versekertheit van dies hem oversynde het afdrucksel van syn  
Signet ghegraveert in een Stamant-steen/twelck de Coninck van  
Spaengien voor syn meeste secreteet gebruyckende is. Dat hy gevan-  
ghen dien volghende/ ende om de voorsz. sake te beter ten efferte te  
brenghen hem begonst heeft upt te gheven voor een Bastaert van  
Oostenrijck oft van Keyser Kaerle/ende metten voorsz. Meester Ja-  
cob Vos ende Jan Kottaller ghemaect ende by gheschryft gheset/  
seker fameus/oproerich ende seditieus Libel ofte eenich gheschryfte/  
gheintituleert Hooch-noodich Advertissement, mitsgaders noch se-  
ker Biffwe op den naem van eenen Bastaert van Oostenrijck/ad-  
dresserende aenden Hoof-mannen/Bevel-hebberen ende ghemeene  
Schutters vanden Steden deses Landts/ tenderende beyde om de  
Ghemeeente oproerich te maken/ende op de beene te brenghen/ende  
de regenwoordighe Regierders/Overheden ende Magistraten van  
de Landen ende Steden te verdrijven/door hulpe ende assistentie  
vanden voornoemden Bastaert van Oostenrijck/die hem byde  
voorsz.



boorz. Gheschryften te dien sijne boorz. haer hooft aanbiedende was/  
 welck opzochich adbertissement hy ghevanghene verscheyden per-  
 soonen gethoont ende gecommuniceert / ende met eenighe van hun  
 luyden gheraetslaeght heeft / omme d'eene oft d'ander Stede inne te  
 nemen ende alsoo t' Landt weder te brenghen onder t' ghewelt van  
 den Coninck van Spaengien: Tot welcken eynde hy eenen Joris  
 Willeboorz. tot Leyden t'voorszreven seditieus adbertissement  
 ghelevert ende aenbestelt heeft omme vier dupsent exemplaren daer  
 van te drucken / ende ses hondert Exemplaren vande boorz. Wissi-  
 ven / de welcke oock onder t' volck van dese Landen zouden worden  
 ghestropt / ende bezeghelt mette Wapenen van Oostenrijck / twelck  
 hy daer toe heeft doen maken hy Hans de Vooz tot Utrecht ende de  
 ghevanghene tot het koopen van een Versse / Letteren / ende Pam-  
 pier / opghebracht ende ghesurneert heeft twee hondert Pistoletten  
 in specie / omme noch vier dupsent exemplaren van t'voorszreven  
 Adbertissement tot Cuelen oft elders gedrukt te worden / te weten /  
 twee dupsent in Duytsche ende twee dupsent in Fransoyse tale /  
 omme buyten s' Landes ende onder den Bal-contenten te distribu-  
 ren ende stropen / Ende dat hy ghevanghene hem alreede tot Cuelen  
 ofte Francfort soude gebonden hebben / omme de boorz. Commissie  
 ende t' gekte vanden Coninck t'ontfangen / ende dien volgende Kup-  
 teren ende knechten aen te nemē / omme syn aenslach op de Landen  
 te effectueren ende volbrenghen / ten ware hem t'zelve met syn appre-  
 hensie beset ware gheweest : Alle welcke saken zijn van seer quade ex-  
 empelen ende consequentien / Areckende tot opzoer ende seditie / ende  
 van verraderije ende rebellie / niet excusabel zijnde / die in een Landt  
 van Justitie niet en behooren ghetollereert / maer swaerlijck gestraft  
 te werden / ten exemple van andze : Zoo ist dat t'voorz. Hof / met rij-  
 pe deliberatie van Rade door-ghesien ende over ghewegen hebben  
 de alle t'gundt ter materie dienende was / doende Recht wten Name  
 ende van weghen de hooghe Overicheyt ende Graeffelijckheyt van  
 Hollant / Zeelant / ende Vriesland / den boorszreven ghevangene ge-  
 condemneert heeft / ende condemneert hem hy desen / ghebracht te  
 werden op t' Schabot / staende aende Plaetse vanden Haghe daer-  
 men ghewoon is Justitie te doen / ende aldaer gheerecuteert te wer-



den met t' sweerde/ t' Lichaem verdeelt in vier quartierē/ oft stücke eis  
d' selve gehangē aen vier kricken oft potentē op't vier hoecken van  
den Haghe/ ende t' Hooft ghestelt op een stake/ verklarende alle synē  
goeden gheconfisqueert ten profijte vande hooghe Overicheyt voor  
schreven.

Actum by den President Borre. Casenbroot. Bredenrode Loon.  
Menyn. Backer. Leeuven.

Ende gheprommiciert den neghen en twintichsten Dattij vijfti-  
ghien hondert drie-ende tachtich.



Tot den goetd-vvillighen Leser ende allen Lief-hebbers  
der vvarer Nederlandscher Vrijheydt.

**E**erfame ende wel beminde Leser/ also men met het voortbre-  
ngen van dese Belijdenisse ende Sententie van Cornelis de  
Hooch/ een oude koe (gelijkmen in een gemeen spreekwoort  
seydt) schijnt upt de gracht te willen halen: nochtans is de ieghen-  
woordighe ghelegghentheyt deses tijts/ ende de onachtlaemheyt en  
ondancbaerheyt der menschen sulcx vereyschende/ welke seer ha-  
stelijck vergetende de exempelen ende waerschouwinghen/ welke  
ons den goeden Godt t' allen tijden soo blyckelijck gerhoont heeft/  
zijn gheneyghet altoos na ons eyghen verderf/ te loopen: Want al  
hoewel desen voornomden de Hoogh nae syn uiterste vermoghen  
daer na crachte/ dat hy dese Landen onder de subiectie vanden Co-  
ninck van Spaengien mochte brengen/ ende dien volghens in de  
alder ellendichste slavernie vanden wredesten Tyran der Werelt/  
zijn niet te min alhier verscheyden luyden (welcke anders ghoede  
Patriotten waren) soo misleydt geweest door syn valsche aenstoken/  
datse



Datse haer blindelinghs souden hebben laten gebruycken tot het effectueren van syn voornemen / indien Godt sulcx niet verhoet hadde / behalven dat noch vele van t blinde Ghemeyn volck / de hooghe Overicheyt beschuldichden als verdruickers der geenen die t Lants Welvaren sochten / overmits den voornoemden de Hooch onder andere van syn laetste woorden hem selven in deser manieren beklagde / segghende : Moet ick dan sterven , om dat ick des Lants vvelvaren ghefocht hebbe ? welck hy vele eenvoudighen een vzeemt nadencken gaf : ghelijck oock nu teghenwoordich van vele daer op ghesproken wort dat de Peps so langhsaem voort komt / alsnu d' eene alsnu d' andere daer van schult ghevende : segghende dattet aende Eertdzherzoghen nochte den Coninck van Spaengien niet gebreeckt / als haer in alles tot den Vrede seer gheneyghyt thoonende : maer dat die van dese Vercenichde Landen even hartneckich blijven : welck segghen geen fondament heeft / ende niet vorder liet als op de verbloemde reden en ende schoone beloften der geenen die ons soecken te bedriegen. Daeromme dat ons dit seyt van Coruelis de Hooghe dienen sal tot onderrichtingh van het voorszede / op merckinghe van het teghenwoordighe / ende waerschouwinghe van het toekomende. Biddende den Almoghenden Godt / die tot noch toe zoo ghetroouwelic voorsz ons gewaecht heeft / dat hy onse zake tot een goede wylkomste vzenighe / mitsgaders onse Overicheyt ende alle de gheene die van onsen t wegen tot den Vrede-handel beroepen zijn / met voorszichtheyt / statvasticheyt / ende manhafticheyt wapenen wil : ende wy ons voorts alle te samen niet berou ende af standt onser sonden voorsz hme Goddelijcke Majesteit verootmoedighende / sal hy ons ( sonder twijffel ) verleenen ( ist niet in dit leven / soos zal t zijn hier namaels ) eenen ewighen Vrede : Amen.





den  
d'le  
den  
goe  
sch

M

th





